

وزیر مملکت

پوہ او ملنگ مجلسی

ضبطہ جریالی

1929 - 673

بشنجی جلد

Kütüphanesi
 Es. No. : 1929-673
 Remiz : R. Z. 100

برنجی انعقاد

1 تشرین ثانی 1928

41-6

مندرجات

صفحہ	موضوع	صفحہ	موضوع
7	یکی حرفلر قانونی لایحہ سنک مستعجلاً مذاکرہ سی حقندہ تقریرلری	2	1 -- نطقہ:
	2 -- سیواس مبعوثی رحمی بکک ، ملتک خاطرہ	2	1 -- رئیس جمهور غازی حضرتلرینک نطقلری
	شکرانی اولق اوزره رئیس جمهور غازی مصطفی کمال	6	2 -- انتخابہ:
	حضرتلرینہ آلتون لوحہ اوزرنده قاپارتمہ بر آلقابہ	6	1 -- ریاست انتخابی
12	تقدیمی حقندہ تقریرلری	6	2 -- رئیس وکیللری، اداره آمرلری وکاتبلر
8	4 -- مذاکرہ ابریلون مواد :	6	انتخابی
	1 -- تورک حرفلرینک قبول و تطبیق حقندہ	7	3 -- تقریرلر:
	باش وکالندن مورود $\frac{1}{208}$ نومرولی قانون لایحہ سی		1 -- ارزنجان مبعوثی صفوت بک ورفاسنک،
8	وموقت انجمن مضبطہ سی		

برنجی جلسہ

آجیلر ساعتی

دقیقہ ساعت

14 0

[رئیس — رئیس موقت رأفت بك (بروسه)]

کاتب: روشن اشرف بك (آفیون قره حصاری) ، نجیب علی بك (دکزلی)

رئیس موقت رأفت بك — افندم یوقلامه یابه جغز . [یوقلامه یابلدی] اکثریت موجوددر .

1 — نطق

طوبالی زلزله سنک خساراتندن وطنداشیلر جسارت و سرعتله قالقاجق بر قدرت کوسترمشدردر . قلمه جک خساراتنکده تأثیرلری سرعتله زائل اولمقدهدر .

بعض ولایتلریمزده بوسنهسرت برشکلده دوام ایدن قوراقلقندندها زیاده مضطرب ومتأثر اولدق . برطرفدن مملکتک عمومی استحصالانندهکی نسبی موازنه ، دیگر طرفدن قوراق منطقه لرده تکشیف ایديلن تدبیرلر ویاردیمار دارلغک تأثیرلری کیری کی آزالتمشدر . هلال احمرک کرک زلزله کرک قوراق ساحه لرنده یاردیمه قوشمق ایچون کوستردیکی غیرت و اقتداری حضور کزده بوتون ملت قارشی تشکرله یاد ایدهرم (سوره کلی آقیشرل) .

کچن سنه طرفنده برمثلی آتمش اولان هلال احمر اعضاسی وطنداشیلرک ، آفت و احتیاج کونری ایچون نصل خیرلی برشفقت خزینه سی حاضر لادقلری بر کره ده ثابت اولدی . بونک کی حمایه اطفال جمعیتک انکشافنده عمومی علاقینی تحریک ایتمک ایسترم .

شرق ولایتلریمزک برقسمنده احداث ایديلن عمومی مفتشک اصابتلی وفایدالی اولمشدر . جمهوریت قانونلریک امنیتله صیغینیله جق یکانه بر اولدیغنک آکلاشمسی بوحوالی ده حضور وانکشاف ایچون اساسلی برمبدأدر . یکی فعالیت

1 — رئیس جمهور غازی حضرت تبریک نطقدری :

[رئیس جمهور غازی حضرتلری سوره کلی آقیشرل آره سنده ریاست کرسیسنی تشریف بووردیلر]

رئیس جمهور غازی حضرتلری — بویوک ملت مجلسنک محترم اعضاسی ؛

بویوک ملت مجلسنک اوچونجی انتخاب دوره سنک ایکنجی اجتماعنی آچوروم . بو آنده یکی بر شوق ایله مجهز ملتیزک غیرت و قدرتنه تازه بر اعتماد ایله کووه نیر بولونیوروز . عزیز آرقداشلریمی بو جانلی دوغولرله سلاملامقدن شرف و حضور ایچندهیم (شدتلی آقیشرل) . کچن سنه ، مملکتک داخلی حیاتنده آسایش و حضور اعتباریله یکی بر ترقی مرحله سیدر . سیاسی واداری مهم هیچ بر عارضه ، وطنداشیلرک عمومیتله نورمال یاشایشلری ایچنمه مشدر . بالعکس طبیعی عارضه لرک بعض منطقه لریمزده کی ضررلی تأثیرلری وطنک بوتون اولادلرینک بر برینی دویمان ، بر برینه دایانان اجتماعی حساسیتلریله اساسلی اوله رق خفیفته تیله بیلیمشدر .

ازمیر حوالیسنده کی و صوک کونلرده قلمه جکده کی زلزله لرده بونجیب تظاھراته شاهد اولدق . ایلک کونلرک ویردیکی اندیشه قدر اهمیتلی اولمادینی ممنونیتله آکلاشیلان

اولدیغی یکیدن اثبات ایدن بونتیجه بی منونیتله تقدیر یکزه عرض ایدرم (آلقیشلر).

افندیلر! خارجی سیاستمزدہ درستلک مملکتتمزک امنیتنه وانکشافنک مصونیتنه دقت شعاری حرکتتمزه قلاغوز اولمقدهدر (آلقیشلر). اساسلی اصلاحات وانکشافات ایچنده بولونان برمملکتک هم کندیسینده هم محیطلرنده صلح و حضوری جدآ آرزو ایتمه سندن دها قولای ایضاح اولونابیله جک بر کیفیت اولاماز. بوصیمی آرزودن ملهم اولان خارجی سیاستمزدہ مملکتک مصونیتنی، امنیتنی، وطنداشلرک حققرینی هر هانکی بر تجاوزه قارشنی بالذات مدافعه ایدہ بیلیمک قدرتی بهالخاصه کوزده طوتدیغمز نقطهدر (براووسلری شدتلی آلقیشلر).

قره وده کز و هوا اردولریمزی بومملکتده صلحی و امنیت مصون بولوندیره جق رقوتده محافظیه بونک ایچون چوق اهمیت وریبورز (آلقیشلر). جمهوریت حکومتی ماتدر آره سینده امنیت میثاققری عقدی ایچون خصوصی بر غیرت کوسترمکدهدر. بزه تکلیف اولونان (کهلوغ) میثاقنه التحاق ایچونده عینی صمیمیتله موافقتمزی بیلدیردک.

افندیلر! کچن سنه ایچنده دوستمز افغانستانک قیمتلی حکمدارلری قرال وقرالیچه حضر تلرینک بزی زیارتلریله مباهی اولدق. قرال وقرالیچه حضر اتی مملکتتمزک هر طرفنده حقیق محبت تظاهراتیله قبول اولمشلردر. تورک عالمه سی ایچنده بیر اقدقلری قیمتلی خاطرهلری دایما محافظه ایدہ جکمز. قرال حضر تلرینک عز مکارانه اصلاحاتی، دوستلرینه علاقه و افتخارله نام موفقیت قناعتنی ویرمکدهدر (آلقیشلر).

بواجتماعکزدہ حکومتک یازین امضا ایتدیکی مقاوله لر سزه تقدیم اولنه جقدر. افغانستان ایله اسکیدن موجود اولان معاهده احکامنی یکی وداها عملی صاعلام اساسلره کوره تنظیم ایدن یکی معاهده و مر بوطلری بوجهلنددر. ایرانه دوستانه مناسباتک انکشافنه خدمت ایدہ جکینی اومدیغمز پروتوقوللری منونیتله تلقی بویوراجغکزه امینم. ایتالیا ایله امضالانان معاهده نک ایسه ایکی مملکت آراسینده

دوریمزده کرک بوحوالیده، کرک مملکتک دیکر قسملرنده طوپراغی اولمایان چفته جیلره طوپراق تدارک اتمک مسئله. سیله اهمیتلی اوله رق اشتغال بیوره جقسکمز (آلقیشلر). حکومتک شمدییه قدر بویولده دوام ایدن غیرتنه یکی تدبیرلر کزله دها زیاده وسعت ویرمکه موفقیتکیزی تمینی ایدهرم.

کچن سنه یکی اساسلره کوره احداث بویوردیغکمز یکی ناحیه لر عمومی اداره ده فایدالرنی در حال کوسترمشدر. بوتون مملکتی یکی، تام تشکیلاتلی ناحیه لرله قابلامق هدفنه دوغری بوسننده ممکن اولدیغی قدر ایلرله مک لازمدر.

آناوطنه قاووشان مبادل وطنداشلرک اسکان، تملیک معامله لرینک آرتق نهایت بولماسینده اعظمی غیرت وسرعت صرفی ایچون حکومتجه تدبیرلر آلمق مقرردر.

شهر ایشلریمزک اداره سنی دوزلتوب نظامه قویاجق قانون لایحه سی بوسنه تقدیم اولونا جقدر. دولتمزک مرکزی اولان آنقره نک اعماری ایچون قبول بیوردیغکمز قانونک طلب ایتدیکی حاضر لقرله اشتغال اولونا جقدر.

محترم افندیلر! عدلیه مزک سیری، تمادی بر نکامل تعقیب ایتمکدهدر. عصری ومدنی قانونلر، وطنداشلرک احتیاجنه کافی یاننده محکمهلر بالخاصه بیلکیلی حاکم تملرینه دایانان عدالت ذهنیت و تشکیلاتمزک کچن سنه سی منونیتله تخطر اولونابیلیر (آلقیشلر). بودورده دخی عینی هدفلره دوغری یکیدن مسافهلر آلا جغکیزی قولله اومقدهیم. جز احکاملری اصولی، دکز تجارتنی، تجارتده افلاس اجرا قانونی لایحه لری بودوره ده سزه تقدیم اولونا جقدر.

او کسوزلرک حققرینی قورومق ایچون اتخاذا ایتدیگکمز تدبیرلرک بوکونکی وهرمی جدآ سوسیندیره جک بر نتیجهدر. اسکی عدلیه، اسکی ذهنیت واسکی اصوللردن اوچ سنه اول آنجق اوچویوز سکمز بیک لیرا میدانده بولمش اولان جمهوریت، بوکون املاک وایتام باققه سنه آلتی میلیون ایکی یوز یکرمی بیک کسور لیرا تسلیم ایش بولنیور (آلقیشلر). جمهوریتک بالخاصه کیمسه سزلرک، کیمسه سی

یوکسک واساسلی اجرا آتکزه حقیقہ افتخار اولنہ حق
بر علاوہ اولاجقدر (آقیشلار) .

افندیلر؛ وطن اقتصادیاتی تدبیرلرینک باشنده عد
ایتدیکنکز مواصلہ فعالیتلری اوکمزده کی سنہ لردہ کوزہ
کورونور نتیجہلر ویرمکہ نامزددر . دمیر بوللریمزک
یکی استتاسیونلری مملکتک مختلف گوشہلرنده وعدلی
چہرہلری کوسترمکہ باشلادیلر (آقیشلار) . اوکمزده کی
سنہ ظرفندہ دیار بکر استقامتیلہ دیگر استقامتلردہ بش بوز
کیلومتریہ یقین یکی خطرک آچیلاییلہ جکنی اومویوروز .
سیواسدن ارضرومہ کیدہ جک دمیریولی ایلہ اشتمال
ایتمک زمانی دہ گلشدر (براوو سسلری آقیشلار) .
بو سنہ یول انشا آنک دہ ثمرہ لی بر شکلده تنظیمی ایلہ
اہمیتی اولارق مشغول اولاجقسکز . بو مملکتک یوللر
ایچون بو کون تخصیص ایتمش بولوندیغی واسطہلرلہ دہا
چوقایش میدانہ کتیرمک ممکن اولاجغنی امیدایدیوروز .

کنیش بر صو سیاستک تطبیقاتنہ باشلاناییلہ سی
جداً ملتزمدر (شدتلی آقیشلار) . مملکتی بوسبتون
یکی بریار ایجیلغہ موفق ایدہ جک اولان صولامایشلرینک
درین علاقہ کزلہ تحقق ایدہ بیلمسی شہہ سزدر . زراعت
و اورماندہ یکی تدبیرلرلہ انکشافہ خدمتکز یرندہ
اولاجقدر . صحی مجادلہ یہ کوستردیکنکز علاقہ و مملکتدہ
بویولده آلدہ ایدیلان نتیجہلر بو مساعینک کنیشلہ تیامسنی
لزوملی کوسترمکدہدر . بوسنہ عمومی حفظ الصحہ قانونی
لایحہ سنک بویوک مجلسہ تقدیمی مقرردر . عمومی صورتدہ
زراعتدہ و مملکتک حیوان تروتندہدہ منفی تأثیراتہ قارش
مدافعہ و مقاومت ثمرہ لی تدبیرلرک باشندہدر . برطرفدن
مدافعہ ، دیگر طرفدن حیوان و نباتک جنسلرینی اصلاح
ایچون جدی ، نباتلی تدبیرلر استحصالاتمزک مقدارینی
و نفاستنی آتیرہ جقدر (آقیشلار) .

مملکتدہ صنایعہ رغبت و تمایل آرتمقدہدر . صنایع
و معادن بانقہ سنک قدرتی آرتدیغکنز حالہ صنایع
اربابی دہا زیادہ حمایہ کورہ جکدر . بو مسئلہ نک اہمیتلہ
مطالعہ اولنہ جفنہ شہہ بوقدر .

امنیت ہواسنی تقویہ ایتمہ سی ایکی قومشونک صمیمی
نیترینی کوسترمسی اعتباریلہ تقدیر و تصویبکزہ لایق
اولسی قوتلہ مأمولدر . دوستمز ساویت حکومتیلہ
امضالانان یکی مقالہ لر حدود اہالیمزک مناسباتی تنظیم
ایتمکدہدر . افندیلر ، ماضیدن دور آلدیغمز بورجلرہ
متعلق استلافنامہ بی دہ حکومت سزہ تقدیم ایدہ جکدر .
بو استلافنامہ نک خفیف شرطلرہ عقد اولوندیغنی بو بو
مملکتک طاقتک بو یوکی صارصیلمادن قالدیرہ بیلہ جکنی
تخمین وادعا قولای دکلددر (براوو سسلری) . بورجی
ومدنی قرہدی بی طانیماق صورتندہ کی ملی ومعنوی مجبوریت
بو استلافنامہ بی سزہ تقدیمہ سائق اولمشدر (براوو
سسلری) . معلق مسئلہ لرمز ؛ بری سورہ حدودندہ
بردورلو تأسس ایدہ مہین امنیتک تأسیسی ، دیکری مبادل ،
غیر مبادل وطنداشارک حقوقی تأمین ایدہ بیلہ جک تسویہ لرک
بولونمیدر . سنہ لردن بری برچوق استلافلرہ وامضالرہ
اقتران ایتمش اولان بومسئلہ لرک عملی ، حقیقی رادیقال
حاللرہ ربط اولوناییلہ سنسندن جداً ممنون اولاجغر .
صایدیغز تفصیلات خارجندہ مناسباتمز عمومیتلہ نورمالدر .
معاهدہ لرک ، مقالہ لرک و بین المللی ای مناسبات آرزولرینک
تنظیم ایتدیکی خطرلر داخلندہ دوستق ، اقتصاد مناسبتلری
انکشاف ایتمکدہدر .

افندیلر ؛ مالیہ مزدہ صوک سنہ لردہ آوزہ نہرک التزام
بویوردیغکنز جدی موازنہ مسلکینک فیصلری بارزدر .
خزینہ نک تعہد و تادیہ لری شامایان برانتظامہ کیرمشدر .
حال بودجہ سنک خارجندہ قالان اسکی یوکارکدہ بودجہ
ایچندہ دوشونولمش اولسی صورتندہ کی تمایلیک کنیشلہ سی
دالغالی بورجلرک تادیہ شکلک تنظیم و تثبیتی بو وادیدہ
یکی برتکامل اولاجقدر . دالغالی بورجلر کاملاً سزہ
تقدیم اولوندیغنی وقت جمہوریت مالیہ سنک وضعیت
و استقبالیک نہ قدر صاعلام اولدیغنی ایچہ آکلاشیلاجقدر
(براوو سسلری ، آقیشلار) .

جمہوریتک کاغذ پاراسنک دہ کیشدیلمسی ختام بولمشدر .
جمہوریت بانقہ سنک بوسنہ ظرفندہ آچیلہ سنہ موفقیتکز ،

آناختاری وی۔ مک لازمدر (سورہ کلی آقیشر)۔ بویوک تورک ملتی جہالتدن آژہ مکله قیصہ یولدن آنحق کنندی کوزلہ واصل دیلنہ قولای اویان بویله بر واسطہ ایله صیریلایلیبر (آقیشر)۔ بو اوقومہ یازمه آناختاری آنحق لاتین اساسندن آلان تورک آلفاہ سیدر (آقیشر)۔ بسیط برتجرہ لاتین اساسندن تورک حرفلرینک، تورک دیلنہ نہ قدر اویغون اولدیغنی شہردہ وکویده یاشی ایلر یلمش تورک اولادلرینک نہ قدر قولای اوقویوب یازدق لری کونش کبی میدانہ چیقارمشدر (آقیشر)۔

بویوک ملت مجلسنک قراریلہ تورک حرفلرینک قطعیت وقانونیت قازانمسی بو مملکتک یو کسلمہ مجادلہ سندن باشلی باشنہ برکچید اولہ جقدر (براوو سسلی، آقیشر)۔ ملتر عائلسنہ منور، یتشمش بویوک بر ملتک دیلی اولارق البتہ کیرہ جک اولان تورکچہ بویکی جانلیغنی قازاندرہ جق اولان اوچونجی بویوک ملت مجلسی بالکز ابدی تورک تاریخندہ دکل، بوتون انسانلق تاریخندہ نمتاز برسیا قالا جقدر (سورہ کلی آقیشر)۔

افندیلر! تورک حرفلرینک قبولیلہ ہمزمہ، بو مملکتک بوتون وطنی سون یتشکین اولادلرینہ مهم بر وظیفہ نوجہ ایدیور، بو وظیفہ؛ ملتیزک کاملاً اوقویوب یازمق ایچون کوستردیکی شوق وعشقہ بالفعل خدمت یاردریم ایتمکدر۔ ہمیز، خصوصی و عمومی حیاتیازده راست کلدیگمز اوقویوب یازمه بیلمین ارکک قادین هر وطنداشمزہ اوکرتتمک ایچون تهاک کوسترمہ لی، بو ملتک عصرلردن بری حل اولونامایان براحتیاجی برقاچ سنہ ایچندہ تماماً تأمین ایدمک، یقین افقدہ کوزلرمیزی قاماشدیران بر موفقیت کونشیدر (آقیشر)۔ هیچ بر مظفریتک خطریله قیاس قبول اتمین بو موفقیتک هیچانی ایچندہ ز۔ وطنداشلیرمیزی جہالتدن قورناراجق بر سادہ معلملکک وجدانی حظی موجودیمیزی اشباع ایتمشدر (براوو سسلی، سورکلی آقیشر)۔

عزیز آرقداشلم؛ یوکسک وابدی یادکار کوزلہ بویوک تورک ملتی یکی بر نور عالمنہ کیرہ جکدر (براوو سسلی، شدتلی وسورہ کلی آقیشر)۔

محترم افندیلر؛ معارفده وضعیتمز و شیمدی به قدر صرف ایتدیگمز غیرتورک بوکونکی نتیجہ لری بزى رادیقار تدبیرلر آلابیلہ جک بر سوبیه کتیرمشدر۔ هر استقامتده دوعری هدف لری بولش اولان معارفز خصوصی تقید و علاقہ کوزلہ و ہمیزک جدی غیرتلیزمزله آژ زمانده کنیش نتیجہ لری ویرمک نامزددر۔ معارفده سرعتلہ یوکسک بر سوبیه چقاجق بر ملتک حیات مجادلہ سندنہ مادی، معنوی بوتون قدرتلرینک آرتاجنی محققدر (آقیشر)۔ معارف فعالیتمز ایلک تحصیلک فعال عمومی و مجبوری اولمسی، مملکتده تربیه بر لکسی، اورتہ تحصیلک ائی وسائطلہ تکشیف و تسهیلنی مسلك تحصیلک ایلک واورتہ درجه سندن ایوکسک درجه سنہ قدر مملکتده تأمیننی، یوکسک تحصیلک ده عددده اولدیغنی قدر قیمتدهده بو عصرک احتیاجلرینہ کفایتنی هدف طوتمشدر (آقیشر)۔ هر سنہ بو استقامتدهده مهم مسافلر آلدیغمزى سوبیلہ بیلیرز۔

افندیلر؛ بویوک تورک ملتک اولادلرینی یوکسک بر تربیه و اختصاص ایله یتشیدریم ایچون صرف ایتدیکی غیرت ونه مکلر آژ دکلدر۔ خصوصی و عمومی اداره لردن معارفہ تخصیص اولنان واسطہ لری مختلف وکالتلردن، اورتا و یوکسک تحصیلہ صرف اولن غیرت لری، حاصلی اقتداری اولان عائللرک عمومی و خصوصی اداره لریک اوروپاده تحصیل ایچون صرف ایتدک لری همتر، اگر مملکتده رسماً مسئول اولان مقتدر علاقہ دارلرک تعقیب ونظارت لری آلتندہ تمرکز ایتدیریلیرسه آلاجغمز ثمره لریک چوق دها زیادہ وکچیرہ جکمز انکشاف زماننک چوق دها قیصہ اولاجنی محققدر (آقیشر)۔ بو مساعینک حکومتجه و بویوک ملت مجلسنجه لایق اولدیغنی اهمیتلہ مطالعہ سی مستعجل بر مبریت کوسترمکدهدر۔

عزیز آرقداشلم؛ هر شیدن اول هر انکشافک ایلک یاپی طاشی اولان مسئله به تماس ایتک ایسترم۔ هر واسطہ دن اول بویوک تورک ملتہ اونک بوتون امکلرینی قیصیر یاپان چوراق یول خارچندہ قولای بر اوقومہ یازمه

2 - انتخابلر

و کاتبلر انتخاب اولنه جقدر . خدمه لر قوطولری کزدیره جک
رأیلریکزی استعمال ایدرسکنز .

مصطفی بک (توقاد) - رأیلرک هپسنی بردن ویرم .
رئیس - اوچ خدمه قوطولری کزدیره جکدر .
بری رئیس و کیلاری ، بری اداره آمرلی ، بری ده
کاتبیره عائددر .

رأی ویرمهین واری ؟ استحصال آرا معامله سی
ختم بولمشدر . رئیس و کیلارینه عائد رأیلرک تصنیفی ایچون
قرعه چکیورز .

دوقتور توفیق رشدی بک (ازمیر) ، خالد فرید
بک (آقره) ، رفیق بک (قونیه) ، رئیس و کیلارینه
عائد رأیلری تصنیف ایده جکدر .

حمدالله صبجی بک (استانبول) ، بهیج بک (استانبول) ،
واصف بک (ملاطیه) اداره آمرلرینه عائد رأیلری
تصنیف ایده جکدر .

مصطفی فوزی بک (مغنسیا) ، شا کر بک (ادرنه) ،
منیر بک (ازمیر) کاتبیره عائد رأیلری تصنیف مأمور
ایدلمشدر .

افندم ؛ رأیلرک نتیجه سنی عرض ایدیورم . رئیس
و کیلکلری ایچون 266 ذات رأیه اشتراک ایتمشدر .

معامله تمامدر . رأفت بک (بروسه) ، حسن بک
(طربزون) نورالدین علی بک (استانبول) 266 رأیله
متفقاً رئیس و کیلکلرینه انتخاب ایدلمشدر . (الله
موفقیت ویرسون سسلری)

اداره آمرلکلری ایچون 267 ذات رأیه اشتراک
ایتمش ، معامله تمامدر . شگری بک (چناق قلعه) ، فالج
رفقی بک (بولی) توفیق کامل بک (استانبول) متفقاً
اداره آمرلکلرینه انتخاب اولمشدر .

کاتبکلر ایچون 263 ذات رأیه اشتراک ایتمشدر .
معامله تمامدر . روشن اشرف بک (آفیون قره حصار) ،
نجیب علی بک (دکزلی) ، عون بک (یوزغاد) ، ثریا

رئیس موقت رأفت بک - افندم ، داخلی نظامنامه من
موجبنجه ریاست انتخابی واردر ، اوندن سوکره رئیس
و کیلاری ، کاتبلر و اداره آمرلی انتخابی اولاجقدر .

1 - ریاست انتخابی :

رئیس - اولا ریاست انتخابی یاپاجغز . لطفاً
رأیلریکزی ویرکنز .

افندم ریاست انتخابی ایچون رأی ویرمهین ذوات
وارسه لطفاً رأیلرینی ویرسونلر . افندم استحصال
آرا معامله سی ختم بولمشدر . تصنیف ایچون قرعه یه
مراجعت ایده جکیز . [کاظم حسنی بک (قونیه) ، توفیق
فکرت بک (قونیه) ، شگری بک (چناق قلعه) تصنیف
آرایه مأمور ایدلمشدر .] نتیجه آرای عراض ایدیورم
267 رأیله و اتفاق آرا ایله بالیکسر مبعوثی کاظم پاشا
حضرتلری ریاسته انتخاب ایدلمشدر (شدتلی آلقیشلر) .

[کاظم پاشا حضرتلری ریاست موقعنه کچمشدر]
رئیس - - محترم افندیلر ، بنی تکرار مجلس رئیسلسکنه
انتخاب بویوردیغکنزدن دولایی تشکر ایدرم . بو
اعتمادکزی بنم ایچون بک قیمتدار اولان توجهکنزک
دوامنه دلیل عد ایدیورم . تودیع بویوردیغکنز وظیفه یی
بوندن اولکی سنلرده اولدیغی کی بوتون دقت و قدرتمی
صرف ایدرهک حسن ایفایه چالیشه جغ (آلقیشلر) .
مظاهرت و معاونت لریکزی رجا ایدرم . افندیلر بوسنه کی
تعطیل ائساننده دائره انتخابیه لریکیزک اگ اوزاق یلرینه
قدر کیده رک خلقله تماس ایتدیکنز . اولری تنویر
و مملکتک احتیاجلرینی یاقیندن تدقیق بویوردیکنز .
سیاحتکنز اولدججه زحمتلی و فقط ملت ایچون چوق
فائده لی اولمشدر . بونک ثمره لرینی مجلس مساعیسی ائساننده
آلاجغمزه شبهه یوقدر . بویوک ملت مزه سعادت لرتمی
ایدهر و بویوک ملت مجلسی اعضالرینی حرمتله سلاملارم
(شدتلی و سوره کلی آلقیشلر) .

2 - رئیس و کیلاری ، اداره آمرلی ، و کاتبلر انتخابی :
رئیس - افندم ، رئیس و کیلاری ، اداره آمرلی

و کیلے کہ بندہ کزی تکرار انتخاب ایتک صورتیہ حقمده لطفاً ابراز بویوردیگنر توجهدن دولای نہایتسز تشکر۔ لریمی عرض ایدرم . بواعتمادہ لایق اولغہ چالیسه جیم و مساعیمده دائما چوق قیمتدار مظاہر تریکزه استناد ایدہ جکم (آلقیشلر) .

توفیق بك (توفاد) متفقاً کاتبیکه انتخاب ایدلمشدر دیوان ریاست تشکل ایتدی .
حسن بك (طرزون) - رفقای کرامک توجه و اعتمادینه عرض شکران ایلر و ایفای وظیفهده قیمتلی مظاہر تریخی دبلم (آلقیشلر) .
رأفت بك (روسه) - محترم آرقداشلرم رئیس

3 - تقریرلر

رستمجهلینده مذاکره منہ کیرطسنی تکلیف ایدرمز .
آفیون تکیرداغی ارزنجان
علی جمیل صفوت

رئیس - افندم قانون لایحه سنک بوکون درحال مذاکره سنی قبول بویوردیگنر تقدیرده ، انجمنلر هنوز تشکل ایتدیکی ایچون بو قانون لایحه سی حقمده نظامنامه داخلیده کی صراحت و جهله بر موقت انجمن تشکل ایدہ بیلیر و لایحه یی درحال انجمنه ویره بیلیرز . اولا لایحه نك بوکون مستعجلیتله مذاکره سی قبول اولنوب اولونیه جغنی رأیکزه عرض ایدہ جکم . قبول بویورانلر لطفاً ال قالدیرسون ! قبول ایتمینلر ال قالدیرسون ! متفقاً قبول ایدلمشدر .

بوکون قانون لایحه سنک مستعجلیتله مذاکره سی قبول ایدلدیکنه کوره . . (رأی اشاری ایلہ سسلری) .
افندم انجمنلرک رأی اشاری ایلہ انتخابه امکان یوقدر .
خدمتلر قوطولری کزدیرلر رأیلر کزی استعمال بویوررسکنر (موافق سسلری) .

سلیمان سری بك (یوزغاد) - افندم انجمنک قاچ ذاتدن عبارت اولاجنک رسماً تعیننی ایجاب ایدر . قاچ کشیدر . اوکا کوره رأیه قونمسی لازمدر . (اون بش سسلری)
رئیس - افندم ، اون بش ذاتدن مرکب اولمسنی قبول ایدنلر ، ایتمینلر قبول ایدلمشدر . لطفاً رأیلر کزی ویریکنر .

آرا استحصالی ختام بولمشدر . حیدر رشدی بك (دکزلی) ، عونى بك (یوزغاد) ، سامی بك (آقره) رأیلری تصنیفه مأمور اولمشدر .

رئیس - افندم دیوان ریاستک تشکل ایتدیکنی عرض ایتدم . یکی حرفلر قانونک بوکون مذاکره و انتاجی حقمده ارزنجان مبعوثی صفوت ، تکیر داغی مبعوثی جمیل و آفیون قره حصار مبعوثی علی بکلرک مشترک بر تقریری واردر . حکومتک بو خصوصده مطالعه سی نه در؟
باش وکیل عصمت پاشا (ملاطیه) - آرقداشلر ، تورک حرفلرینه دائر بر قانون لایحه سی بویوک ملت مجلسنه حکومت طرفندن تقدیم اولمشدر . بو قانون لایحه سی بو آندہ بویوک مجلسک آندہ در . قانون لایحه سنک مستعجلیتله ، درحال مذاکره سنی التزام ایدیوروز .
حکومت ، بوکون قانون لایحه سنک مذاکره و انتاج بویورلمسنی بویوک مجلسندن احترام ایدر (آلقیشلر) .
رئیس - تقریر او قونسون افندم

بویوک ملت مجلسی ریاست جلیله سنه

1 - رئیس جمهور حضرتلرینک نظفلمنده اشارت بویوریلده تورک حرفلری ، ملتک چوق زمانه بری بکلر دیکی رأیلر دئیری تجریده آیشدیغی و بنمسه دیکی اساسلی موضوعی بویوک مجلسک نظرمنده نجسم ایتدیرمشدر .
تورک حرفلرینک مملکتنه قانونی ماهیت و قطعیتنه تطبیقه باشونمجه تاخری ممکن اولیاره مستعجل بر احتیاج حالنده در . ملت بو قانونک برآه اول انتشارینه منتظر در .
بویوک ملت مجلسنک بو احتیاجی نظر دنه آدره هماره بوکوره تورک حرفلرینک قبول و تطبیقه متعلقه قانونه بویوک مجلسک حکومتده در حال اخصار و مجلس عالی به کتیرطسنی

حرف انجمنی اعضا لغتہ انتخاب اولتمشدر در. انجمن در حال
اجتماع ایدوب رئیس ، مضبطہ محرری و کاتبی انتخاب
ایتسون . لایحہ قانونیہ بی انجمنہ ویرہ حکم . مذاکرہ
ایدوب قانونی بوکون احضار و مقامہ تودیع ایتسون .
اون بش دقیقه تنفس ایتمک اوزر . جلسہ بی تعطیل
ایدیورم .

قبانمہ ساعتی

دقیقہ ساعت

16 5

رأيلك نتیجه سنی عرض ایدیورم افندم . (264)
ذات رأيه اشتراك ایتمشدر . معاملہ تمامدر . مصطفی
فوزی بك (مغنيسا) ، كمال الدين بك (قوجه ایلی) ، شا کر
بك (ادرنه) ، صبری بك (مغنيسا) ، رفیق بك (قونیه) ،
جمیل بك (تکیرطاغی) ، اسماعیل حقی بك (بالیکسر) ،
صفوت بك (ارزنجان) ، علی رعنا بك (صامسون) ،
یونس نادى بك (مغله) ، ادهم بك (صامسون) ، ناجی
پاشا (جبل برکت) ، احمد راسم بك (استانبول) ، احمد
فکری بك (ارضروم) ، مصطفی شرف بك (بوردور)

ایکنجی جلسہ

آجیلما ساعتی

دقیقہ ساعت

16 30

[رئیس — کاظم پاشا]

کاتبی : روشن اشرف بك (آفیون قرہ حصاری) ، نجیب علی بك (دکزلی)

رئیس — جلسہ بی آجیورم .

4 — مذاکرہ ایدیلن مواد

لایحہ شمعی یہ قدار تورجک بی یازمق ایچون قولانیلان
عرب حرفلری یرینه لاتین اساسندن آلتان یکی نورک
حرفلرینک اقامہ سنہ و بو حرفلرک رسمی و عمومی بوتون
معاملات ، تدریسات و نشریاتده تطبیقی زمان و شرائطنه
متعلق احکامی حاوی اولوب اسباب موجبہ سنده درمیان
اولونان دلائل و مطالعات انجمنہ زجده تمامیلہ وارد
و موافق کورولمس ولایحہ نک عیناً قبولیلہ هیئت عمومیہ
عرضنه متفقاً قرار ویریلشدر .

رئیس	مضبطہ محرری	کاتب	اعضا
مصطفی فوزی	ادرنه	صامسون	صامسون
	شا کر	علی رعنا	ادهم

رئیس — موقت انجمن ، مضبطہ سنی احضار ایتمشدر .
انجمنک مضبطہ سی او قونا جق در :

1 — نورک حرفلرینک قبول و تطبیقی مقننہ باشہ
والتدرہ مورود $\frac{1}{266}$ نومرولی قانونہ بوجہ سی موقت انجمن
مضبطہ سی [1]

ریاست جلیلہ یه

یکی تورک حرفلرینک قبول و تطبیقی حقنہ باش
و کالتدن وارد اولوب هیئت عمومیہ جہ انجمنہ زجده تودیع
پویورولان 1 تشرین ثانی 928 تاریخی و $\frac{6}{4346}$ نومرولی
قانون لایحہ سی اسباب موجبہ سیلہ برلکده مطالعہ و تدقیق
اولندی .

[1] (1) نومرولی لایحہ ضبطک صوکنہ مربوطدر .

اعضا	اعضا	اعضا	اعضا
استانبول	ارزنجان	تکیرداغی	جبل برکت
احمدراسم	صفوت	جمیل	ناجی
اعضا	اعضا	اعضا	اعضا
قوجاہلی	ارضروم	قونیہ	مغلا
کمال الدین	احمدفکری	رفیق	یونس نادى
		اعضا	اعضا
		بور دور	بالیکسر
		مصطفی شرفی بك امضادہ بولونجی	اسماعیل حقى

باش وکیل عصمت پاشا (ملاطیہ) - تورک حرفلری قانون لایحہ سی موضوعی اوزرنده سوبلیہ جکلم آچیق و قیصہ در . بویوک رئیس جمهور حضرتلرینک اشارت بویوردقبری کبی تورک حرفلریلہ بویوک تورک ملتى یکی بر نور عالمہ کیرہ جکدر . بز بوکا صمیمتله ووجدانی بر اعتمادله اینانیورز (آلقیشلر) . تشبث ، اساساً ملتى جهالتدن قورتارمق تشبثی در . تجربہ لریکزلہ مملکتک هر طرفندہ یاقیندن کوردیکزکہ ؛ تورک آلفابہ سیلہ بوملتک او قوما ، یازما مجادلہ سنہ کیرمسی هر طرفندہ بویوک بر آچیلما ، بویوک بر قولایلق ویرمشدر . بو کونکی نسلک و بویوک مجدد مبعوثلرک آلدینی تدبیرلری و کوردیکی ایشلری استقبالدہ یازمق ایچون حاضرلاران مورخلرک بر نقطہ یہ بالخاصہ دقتلرنی جلب ایتمک ایستہرم .

هیچ بر قانون لایحہ سی مذا کرہ اولوندینی آندہ جدآ تطبیق اولونا جغنه و بویوک نتیجہ لر ویرہ جکنہ بو قدریقین امنیت ویرمامشدر . یعنی هیچ بر قانونک مذا کرہ سی آندہ مملکتدہ جاندن قبول اولونا جغنه ، جدآ تطبیق ایدیلہ جکنہ ، واسع و فیضلی نتیجہ لر ویرہ جکنہ بو آندن دها زیادہ قانع اولمق ممکن دکلددر . سببی واضح در . چونکہ بویلہ بوتون بر ملتک حیاتنہ ، فکری و معنوی یاشایشنہ تأثیر ایدہ جک اولان اساسلی اصلاح بوتون ملت ایچندہ هر گوشہ دہ اساسلی اولارق ایشلنمدکجہ تشبث ایدمک چوق جسارت ایستہر . تشبثلریکزلہ مملکتک هر طرفندہ قدر اساسلی بر احتیاجہ تماس ایتدیکی کیزی آچیق اولہرق کوردیکز .

آرقاداشلرم ! بو حرفلری ایچون ملتدہ کوردیکمز تہالک و حسن قبول باشلیجہ شو نقطہ یی ایضاح ایدرکہ ؛ اودہ ملتک بر آن اول او قویوب یازمق ، جهالتدن صیریللق ایچون طاشیدیغی آرزو درین ، کنیش و صمیمی در . دیمک ملت ، ہمیز بویلہ بر آناختارہ چوقدن بری منتظر ایدک . ایکنجیسی ؛ قولای در . قولایلق ہیچ او مادایغمز محیطلردہ ، ناصل تالق ایدیلہ جکنی تخمین ایدہ میہ جکمز یرلردہ ، اوغراشمق ایستہمین وطنداشلرمز دہ ایملک ایکی ، اوچ حرفک و بر ایکی ساعتک اوغراشمانک ویردیکی تشویق ایلہ او کرہ تمک امید و قناعتی بردن ویرمہ سنہ در .

آرقاداشلرم ! بو قولایلقدن حقیلہ استفادہ ایتمک و بونک نتیجہ لرینی بر قاچ سنہ ایچندہ کوزلہ کورولور بر حالہ کتیرمک ایچین ، حکومت جدی مساعی صرف ایدہ جکدر . حکومت ، بوتون مملکتدہ ملت مکتبلری حالندہ ، ایشندہ ، تارلاسنده فابریقہ سنندہ یالیشان وطنداشلرک آیاقلرینک او جنہ کتیریلن قولایلقہ او کرہ تہ جک معلملرلہ ، قولای تدارک اولونا جق واسطہ لرلہ بویکی آلمابدن تمامیلہ استفادہ ایتلری ایچون بوتون مساعیسنی صرف ایدہ جکدر (آلقیشلر) . بو مجادلہ یی موفقیتلہ نتیجہ لندیرمک ایچون وظیفہ منحصرآ ، حقیقہ کندیلریلہ افتخار ایتدیگمز معلملرک دکلددر . مأمورلرمنز و بومملکتک بوتون منور اولادلری بوسنہ ، کلہ جک سنہ و بر قاچ سنہ ظرفندہ بو آلفابہ ایلہ وطنداشلرک تماماً او قویوب یارمسی ایچون اللرندن کلہ نی ایضا ایدہ - جکدر .

قانون لایحہ سی اساس اعتباریلہ عمومی حیاتی یکی آلفابہ ایلہ یازی دورینہ سہولتہ نقل ایتمک ایچون ایشہ کورہ مختلف دورلری کوسترمکدہ در . بز بودورلری احتیاجہ تماماً تطابق ایدہ جک قدر دقتلی انتخاب ایتمکہ چالیشدق . یقین بر زماندہ عمومی حیات و معاملات یکی یازی ایلہ جریان ایتمکہ باشلایہ جقدر . طبیعی بو کون اُلیمزدہ قوللامقدہ بولوندیغمز بر چوق مطبوع وثیقہ لر واردرکہ او وثیقہ لرک دیکشدر یلمسنہ قدر فعالیت شعبہ سنک

جنسہ کورہ مختلف مدتوں قونولمشدر. بوکادہ ضرورت وارد. بوقانون لایحہ سیلہ تورک ملتک فکری حیاتیہ یکی بردور آچیورسکیز. برسوزی تکرار ایدہرک معروضاتہ نہایت ویرمک ایسترم. اودہ تدبیرک خیرلی وفایدالی اولدیغنه جدأ و صمیماً اینایشی مزر. بویوک ایشلرده صمیمی اینانمق اوایشک موفقیتله نتیجه لئسی ایچون محتاج اولونان باشلیجه قوتدر. بوقوت اوقدر مہمدرکہ بونک قارشیسندہ نیکیلمیہ جک زورلق و آشیامیہ جق تومسک بوقدر (آلقیشلر).

رفیق بک (قونیه) — محترم آرقداشلر ! اوچنجی دورہ ایکنجی اجتماع سنہ سی باشلانغیجیدہ یکی تورک حرفلرینہ عائد قانونک مذاکرہ سی مناسبتیلہ بویوک مجلسک شرفلی تاریخنی تنویج ایدن برحادثہ در. افندیلر ! تورکیہ بویوک مجلسنک دیگر ملتک مجلسلردن آیران بارز بر وصفی وارد.

بومجلس اوچ دورہ دنبری کندیسنه قوت و صلاحیت ویردن یوکسک ونجیب ملتک آرزو و تمایلنہ واک حقیقی دوغغو و احتیاجلرینہ اویان نہ وارسه اونی وقتندہ وزمانندہ یاپمش اولغله بحق مقتضراولہ بیلیر.

آرقداشلر ! تورک ملتکی ذکیر، قوتلی در، قدرتلیدر. فقط بویوکسک ارادہ نی زمانندہ استعمال ایتک تاریخندہ کیہ نصیب اولمشدر. دایانہ کوروشلریلہ ملتک وجدانندہ حاقلی اولان مزایایی استقلالہ، مزیتہ، عمران و معالی یہ اولان فطری استعداد و قابلیتلرینی تمامیلہ سزدرک اونی موقع تطبیقہ قویمق شرفی، دہادوغربسی ملتک الحقیقی قوتنی افادہ ایتک قدرتی آنجق و آنجق ینہ بوملتک بویوک اولادی بوکسک دایمسی ویکرمنجی عصرک مدارافتخاری اولان عزیز و سوکیلی رئیس جمهورمز غازی مصطفی کمال حضرتلرینہ نصیب اولمشدر.

آرقداشلر، بن شو دقیقه دہ بودای رئیسمری ملتک کرسیدسندن بردفعہ دہا تعظیملہ سلامقلہ بختیارم. بویوجہ تورک قهرمانی ملتہ اک یوکسک و بحق لایق اولدیغی موقع حاضرلامق ایچون دون حربلردہ صلحدہ

تجدد و ترقی یوللرنده اولدیغی کبی بوکونده عرفان حیاتیہ یب یکی بر عالم یاراتہ جق اولان « یکی تورک حرفلری » انقلابی یاپمش بولونویور. بویوک مرشد و منجی چوق مستعد اولان ماتمزی عصرلردن بری ترقی یوللردن کیری قویان عرب حرفلری رینہ لاتین اساسندن کلہ یکی تورک حرفلرینی آلہرق ملتکی یکیدن نورلی بر عالم کورتوریور. افندیلر؛ بوندن صوکرده عزیز ملتمز بویوک مرشد و دایمک نورلاندریدیغی بویولده معنوی خزینہ لک آناختاری اولان بو واسطہ ایلہ ترقینک اک یوکسک مرحلہ سنہ آز زمانندہ وارہ جقدر.

ہمیز انتخاب دائرہ لریمزی حتی کویزینہ وارنجیہ قدر کزدک و شکرانلہ کوردک کہ بویوک دایمک ایملک اشارتی اوزرینہ کندیسنه جاندن باغلی اولان نجیب و مستعد ماتمز کلہ نک بوتون قوتیلہ آیاقلانمشلر، حرکتہ کلشملر. ہیچ اوقومیان؛ یازمایان کنجملر و اختیازلر آز زمانندہ یکی حرفلرلہ اوقویوب یازمغہ باشلامشدر. شو دقیقه دہ اساساً ہمیزجہ قطعی بر ایمان حالندہ تعین ایدن تورکک یوکسک و پارلاق استقبالنہ غرولہ باقیورم. عزیز وقهرمان ملتہ سن وار اول و وار اولہ جقسک. ملتک غبطہ ایتدیکی دای رئیسمرلہ یاشا بیک یاشا!

سوزلریمہ نہایت ویررکن یکی حرف انقلابی قانونی بزہ وقتندہ کتیرین و بویوک ایشی دہ دیگر ایشلرنده اولدیغی کبی بویوک برکیاست، دقت و حساسیتلہ تعقیب ایدن ییلماز ویورولماز باش و کیلمز عصمت پاشا حضرتلرینی و مساعی آرقداشلرینی جانندن تبریک ایدہرم. جہلی آتہرق بزنی نورہ قاووشدیرہ جق اولان بوقانونک ہیئت عمومیہ سنک قبولیلہ مادہ لہ کیلمسینی تکلیف ایدہرم.

محمد امین بک (شرقی قرہ حصار) — عزیز آرقداشلر! تورک ملتکی ملی روحی کندی قلب و وجدانندہ دویدینی زمان تورک اولمایان یابانجی بولنان شیلرک ہپسینی دہ آتمق قرارینی ویرمش بولنیور. بو قرارینی ایملک حملہ دہ لسان و ادبیات ساحہ سندنہ یایمق ایستہ دی، عرب، عجم حکومتلرینی بیقیدیغی کبی عرب، عجم استیلا عسکرلری مقامندہ

بولان عرب، عجم حرفلری آندی ایکنجی حملہ ده وطن و تاریخ ساحه سنده یادی، مملکت و ملت مزه آتش و ده میر کتیر دن مستولیری قهر ایتدی. اوچونجی جمله بی ده دولت و سیاست یولنده یادی. عصر لر دنبری دولتک تپه دن طیر ناغه قدر بوتون بنه سنه صاریش اولان اجنبی امتیازلری پارچالادی. بو کون دردنجی جمله درکه بونی ده حرث و مدنیت ساحه سنده یامق ایسته بور. چونکه، عزیز آرقداشلر! عرب حرفلری علم و صنعتک سسنی خلقک ایچریسنه کوتوره میوردی. ترقی و مدنیتک روحنی خلقک ایچریسنه یایامیوردی. منور زمره ایله خلق زمره سی آراسنده اوچوروملر واردی، سدلر واردی، معارفی تعمیمه، علم و صنعتی خلقک ایچریسنه کوتورمه که ترقی و مدنیتی خلقک ایچریسنه یامغه که بویوک واسطه و عامل اولاجق اولان بویکی تورک حرفلر بدرکه بزه مقدس ارضی وعد ایدیور. چونکه بویکی تورک حرفلریله اون درت میلیون تورک فکر آحر کته که جک، اون درت میلیون تورکک قابنده ییکی بر عشق و هیجان چارپمغه باشلایاجق، اون درت میلیون تورک ترقی و مدنیت یولنده منور زمره ایله، خلق زمره سی آراسنده بر ملت وجوده کتیره جکدر. بو اون درت میلیون ایچریسندن متفکرلر چیقاجق علم و حقیقتک آتون آناختارلری دو که جک، اسرارک ابدی معما سنک طونج قابولری بیقده ره حق! بو اون درت میلیون ایچریسندن عاصی روحلر چیقاجق، شبه و عصیانک بیقیجی فکرلری داعیتدیر اچق، ماضینک یالانلری، روحلره و ورولش زنجیرلری پارچالادی اچقدر (آلقیشلر).

بو اون درت میلیون ایچریسندن بیک مرشدلر چیقه حق، بیک روحک و بیک عصرک وحی و الهامی ایله یازاش کتابلری کتیره جک، بیک حیاتک عنصرلری تدقیق ایتدیره جک، بو اون درت میلیون ایچریسندن بیک مغیبلر، بیک ناعملر چیقاجق، حقیقتک و مدنیتک قهر ماناق دستانلری ترنم ایده جک موسی؛ اسکی عبرانی حرفلریله طونج لوحلر اوزرینه ناصل بر قومک مقدراتی یازمسه بو حرفلرله ده

بیک یازیله جق اولان کتابلره تورک ملتی بیک بر مقدرات یازاجق، (کوتنه نبرغ) اوبدینی حرفلرله ناصل بیک دنیا حرث و مدنیتی حاضر لامشسه بو بیک حرفلرله ده تورکک بیک حرث و مدنیتی وجوده کتیر جک، اه ارضی سبانی انسانلری و بوتون مخلوقاتی ناصل بر قاچ عنصر دن یاراتمش ایسه تورک ملتی ده بویکی حرفلرله بیک علمنی، بیک صنعتنی، بیک ترقیسنی و بیک کائناتی یاراته جق (آلقیشلر).
رئیس — قاتونک هیئت عمومی سی حقنده بشقه سوز ایسته ن یوقدر. ماده لره کچلمسنی قبول ایدن ال قالدیرسون، قبول ایتمینلر ال قالدیرسون، قبول ایدلمشدر. تورک حرفلری نیک قبول و تطبیقی حقنده قانون

ماده 1 — شیمدی یه قدار تورکجه بی یازمق ایچین قوللانیلان عرب حرفلری رینه لاتین اساسندن آلان و مربوط جدولده شکللری کوستربان حرفلر (تورک حرفلری) عنوان و حقوقی ایله قبول ایدلمشدر.
رئیس — برنجی ماده بی رایه عرض ایدیورم. قبول ایدنلر ال قالدیرسون، قبول ایتمینلر، قبول ایدلمشدر
ماده 2 — بو قاتونک نشری تاریخندن اعتباراً دولتک بوتون دائره و مؤسسه لرنده و بالجله شرکت، جمعیت و خصوصی مؤسسه لرده تورک حرفلریله یازیش اولان یازیلرک قبولی و معامله یه قونولسی مجبوریدر.
رئیس — ایکنجی ماده بی قبول ایدنلر ال قالدیرسون، قبول ایتمینلر ال قالدیرسون، قبول ایدلمشدر.

ماده 3 — دولت دائره لرینک هر برنده تورک حرفلری نیک دولت معاملاته تطبیقی تاریخنی 1929 کانون نایسنک برنجی کوتی کچمیز. شو قدار که اوراق تحقیقیه و فذلکه لرینک و اعلاملرک و مطبوع معاملات جدول و دفترلری نیک 1929 حزرانی ابتداسنه قدر اسکی اصولده یازلسی جاژدر.
وریله جک طاپو قیدلری و سندلری و نفوس و اولمه جزؤدانلری و قیدلری و عسکری هویت و ترخیص جزؤدانلری 1929 حزرانی ابتداسندن اعتباراً تورک حرفلریله یازیله جقدر.

رئیس — ماده بی قبول ایدنلر ال قالدیرسون! قبول ایتمینلر ال قالدیرسون! قبول ایدلمشدر.

واقع اولدینی تقدیرده قبول اولونور. بومؤسسہ لرك اللرنده موجود اسكى عرب حرفلریله باصیلمش دفتر، جدول ، قاتالوغ، نظامنامه و تعلیماتنامه کی مطبوعه لرك 1930 حزی رانی ابتداسنه قدر قوللانیلماسی جائزدر .

رئیس — مادهی قبول ایدنر ال قالدیرسون ، قبول ایتمهینلر ال قالدیرسون ، قبول ایلمشدر .

ماده 9 — بوتون مکتبلرک تورکجه پایلان تدریساتنده تورک حرفلری قوللانیلیر. اسکی حرفلره مطبوع کتابلره تدریسات اجراسی ممنوعدر .

رئیس — مادهی قبول ایدنر ال قالدیرسون ، قبول ایتمهینلر ال قالدیرسون ، قبول ایلمشدر .

ماده 10 — بوقانون اشمی تاریخندن معتبردر .

رئیس — مادهی قبول ایدنر ال قالدیرسون! قبول ایتمهینلر ال قالدیرسون! قبول ایلمشدر .

ماده 11 — بوقانونک احکامی اجراییه اجرا وکیلاری هیئت مأمورددر .

رئیس — مادهی قبول ایدنر ال قالدیرسون! قبول ایتمهینلر ال قالدیرسون! قبول ایلمشدر .

قانونک هیئت عمومیه سنی رأیکزده عرض ایده جکم، قبول ایدنر ال قالدیرسون ، قبول ایتمهینلر ال قالدیرسون! قبول ایلمشدر (شدتلی آلقیشلار) .

افندم ؛ بر تقریر وارددر : ریاست جلیله یه

2 — بوبوک نورک ملتہ فہرہی و سنی بولنده اولدیغی کبی اوقومہ یازمہ، بولنده ده نور و صراغ کورنده ده

داهی رئیس جمہورر غازی مصطفی کمال حضر تلمہ ملتک خاطرہ شکرانی اولور اوزرہ مجلس عالی طرفندہ آتورہ

لورہ اوزرندہ دوقاریسندہ نورک آغابہ سنک مبرعی رئیس جمہورر غازی مصطفی کمال حضر تلمہ یازیلدی قبارنہ بر

آغابہ تقریرم ابرطسنی تکلیف ابرہرم .

سیواس مبعوثی رحمی

(براوو سسلری)

ماده 4 — خلق طرفندن واقع مراجعتلردن اسکی عرب حرفلریله یازیلدی اولانلرینک قبولی 1929 حزی رانک برنجی کونہ قدر جائزدر . 1928 سنہ سی کانون اولنک ابتداسندن اعتباراً تورکجه خصوصی و یارسی لوحہ ، تابلا ، اعلان ، رہ قلام و سینہ مایازیلدی ایله کذلک تورکجه خصوصی ، رسمی باجملہ موقوت ، غیر موقوت غزنتہ ، رسالہ و مجموعہ لرك تورک حرفلریله باصیلماسی و یازیلماسی مجبوریدر .

رئیس — مادهی قبول ایدنر ال قالدیرسون! قبول ایتمهینلر ال قالدیرسون! قبول ایلمشدر .

ماده 5 — 1929 کانون نایسی ابتداسندن اعتباراً تورکجه باصیلہ حق کتابلرک تورک حرفلریله باصیلماسی مجبوریدر .

رئیس — مادهی قبول ایدنر ال قالدیرسون! قبول ایتمهینلر ال قالدیرسون! قبول ایلمشدر .

ماده 6 — رسمی و خصوصی بوتون ضبطلرده 1930 حزی رانی ابتداسنه قدار اسکی عرب حرفلریک سته نوغرافی مقامندہ استعمالی جائزدر . دولتک بوتون دائرہ و مؤسسہ لرنده قوللانیلان کتاب ، قانون ، تعلیماتنامه ، دفتر ، جدول قید و سبج کبی مطبوعه لرك 1930 حزی رانی ابتداسنه قدر قوللانیلماسی جائزدر .

رئیس — مادهی قبول ایدنر ال قالدیرسون ، قبول ایتمهینلر ال قالدیرسون ، قبول ایلمشدر .

ماده 7 — پارہ و حصہ سندلری و بونولر و تحویلات و بول و سائر قیمتلی اوراق ایله حقوقی ماهیتی جائز باجملہ اسکی وثیقہ لر دیکشدر لمہ دکلری مدتیجہ معتبردر لر .

رئیس — مادهی قبول ایدنر ال قالدیرسون ، قبول ایتمهینلر ال قالدیرسون ، قبول ایلمشدر .


ماده 8 — بالعموم بافقہلر ، امتیازلی و امتیاز سزشر کتبر ، جمعیتلر و مؤسسہ لرك تورکجه معاملاتہ تورک حرفلریک تطبیق 1929 کانون ناپسنک برنجی کونہ کچہ مز .

شو قدارکہ خلق طرفندن مذکور مؤسسہ لره 1929 حزی رانی ابتداسنه قدار اسکی عرب حرفلریله مراجعت

برلجی انعقاد 1 - 11 - 1928 ایگنجی جلسہ

رئیس — تقریری قبول ایدنر آل قالدیرسون !
قبول ایتمینر آل قالدیرسون ! قبول ایدلمشدر .
دیوانجه ایجاب ایدن معاملہ ایفا ایدیلیر .
بازار ایرتسی کونی ساعت اون درتده اجتماع ایتمک

قاپانما ساعتی
دقیقه ساعت
0 17





تورك حرفلرینك قبول و تطبیق حقیقه باش و كالتدن مورود $\frac{1}{266}$ نومرولی قانون لایحهسی

تورکیه جمهوری
باش وکالت
مدونات مدیریتی

بویوك ملت مجلی ریاسته

تورکجه یازمق ایچون قوللانیلان عرب حرفلری یزیه لاتین اساسندن آلان و مربوط جدوله شکللری کوستریلان حرفلر حقیقه اجرا و کیلاری هیئتک 31 تشرین اول 1928 تاریخی اجتماعده تنظیم اولونان قانون لایحهسی ایله اسباب موجب لایحه سنک مصدق صورتلری لفاً تقدیم قلمشدر . اقتضاسنک ایفا و نتیجه سنک اشعار بویورولماسی عرض اولونور اقدم .

31-10-1928

باش وکیل

عصمت

اسباب موجب

تورک دیلی شیمدی به قدار بیهسنه اویمایان عرب حرفلریله یازیلوردی . عرب حرفی سیستمی بر طرفدن لساننک محتاج اولدیغی صدالی حرفلری احتوا اتمه یور ، دیگر جهتن تورک حقیقه تلفظ ایله به مدیک بر طاقم سسلره مالک بولنوردی . بویوزدن تورک چوجوغی آنا دیانی یازاییلمک ایچین اوزون زمن معین قالیلری بلامک اضطرارنده قالیور ، خیالی ذهنده موجود اولمایان یکی برکجه ی دوغرو ، زمق و یاوقویاییلمک ایچین اوزون اوزادی به عرب و عجم صرف قاعده لرینی بیلمه سی لازم کلبوردی . بو حالک میدانه چیقاردیغی زورلقلر هر کسجه معلومدر . مدنی بر یازینک مطرد املایه صاحب اولماسی اقتضا ایتدیکی حالده اسکی یازی ایله بوکاده امکان بولونما بوردی . چونکه اصلاً تورک اولان کله لرك صدالی حرفلره یازیلماسی ایجاب ایلدیکی حالده اسکی حرف سیستمی مزده بونک ایچین کافی اشارت موجود دکلدی . موجود صدالی حرفلرک آریجه برر صامت اولماسی یازیلان بر تورکجه کله نك بیله باشقا باشقا بوللرده اوقونمنسی اقتضا ایتدی ریوردی . اسکی حرف سیستمی باقی قالدیجه اجنبی اسلدن کلن کله لری کرک تلفظ و کرک صرف اعتباریله لسانه مال ایتک ممکن دکلدی . بوسیدندرکه تورکجه یی ایا یا بیلمک و یازیلانی اوقویا بیلمک ایچین اوکره نیلمه سی اوزون سنه لره محتاج قاعده لرله مشغول اولمق اقتضا ایدیور و یازی یازمق دوغرو اوقومق آنجق معین بر صنف امتیازی حاله کلبوردی . بومشکلات بوزندن ملی و بناء علیه بوتون خلق طرفندن اوقونابیله حق و یازیله بیله جک بر لسان ایچین ایجاب ایله یین بر غرامه روجوده کله میوردی . بوکا برده اسکی عرب حرفلرینک تورک مطبعه جیانی ناصل ایله ره مکدن آلا قویدیغی ، تلغراف کبی مدنی واسطه لری قوللانمده متمزی بهوده مصرف و زورلقلره سوروکله دیکی علاوه اولونورسه اسکی حرف سیستمی ده کیشدیرمک ضرورتی میدانه چیقار .

بوسبيلره مبنيدر كه اساساً مى لسائىمىزك بنيه سنده موافق بر حرف سيستمى قبول ايتىك جمهوريت حكومتىك پروغرامى اقتضاسندن بولونويوردى . تورك ديلنىك بنيه سنده موافق اولق اوزره لاتين اساسندن آلناجق حرفلىرى تئيت ايله مك ايچون كچن سنده معارف وكالتنده تشكيل ايديلن ديل هيئتئجه اساسلىرى حاضر لانان حرف سيستمى ايله ياپيلان تجربهلرده ديلمزى اك ابي برطرزده يازماسى ممكن اولدينى آكلاشيلدى .

قيصا بر زمانده ملتىمىزك بو حرفلىرى قولايقله اوكرنملىرى بو حرف سيستمىك لسائىمىزك بنيه سنده اويغون اولديغى ده آريجه ميدانه قويدى .

بناء عليه جمهوريت حكومتى آرتيق تجربه ايله ثابت اولان لاتين اساسندن آلنان حرف سيستمىمىزك قانون حالنده تئيتنى ضرورى كورمىش ومربوط لايحه يي بومقصدله تكليف ايله مشدر .

تورك حرف سيستمىك قولايلى صوك ايلر ظرفنده ياپيلان تجربه لردن آكلاشيلدينى ايچون دولت دائره لرنده هان بو حرفلره ياپيله جق مراجعتلىق قبولى و اونك اوزرينه معامله ايفاسى قابل اولاجقدر . ذاتاً يكي حرفلىرى هان تطبيق ايله رىك لسائىك يازيليشنده ايكيلىكى بر آن اول قالديرمق ويكى تورك حرفلىرىك حصوله كتيره جكي ابي نتيجه يي بر آن اول استحصال ايتىك لازم كلدىكندن قانونك قبولندن اعتباراً دولتك باجمله دائره ومؤسسهلرنده وشركت و جمعيت و خصوصى مؤسسهلرده تورك حرفلىرىك قبول اولوناجى و اك كچ 1929 كانون نائىسنده يكي تورك حرفلىرىك دولت معاملاتنه تطبيق اولوناجى ايكنجى و اوچنجى ماده لرده تصريح ايدلمشدر . آنجق مطبوع جزؤدان واوراق وسائرئىك يكيلى طبع اولونه يلمسى ايچين 1929 حزرانه قدار اسكى اصولده يازماسى ادامه ايدلمشدر .

يكي حرفلىرىك خلق آرهنده تعمىمىمىز ايچين برنجى شرط خلقك اك چوق او قومق ضرورتنده بولندينى اثرلىك يكي حرفلره نشر ايدلمش اولسيدر .

خلق ، يكي نشرياتى اسكى حرفلره تعقيب امكاننه مالك اولدقجه يكي حرفلره بر آن اول آليشمقده مساعجه كوستره بيلير . بونك ايچون 1928 كانون اولندن اعتباراً لوحه ، تابه لا ، اعلان ، ره قلام وسينه مايازلىرى ، موقوت ، غير موقوت بوتون توركه غزته ، رساله و مجموعهلر ك تورك حرفلره باصيلماسى و يازيلماستىك مجبورى اولدينى دردنجى ماده ده كوستراشدر . يكي حرفلىرىك خلق كتهلىسى آراسنده چابوق ياييلماسنى قولايلاشديرمق ايچين بو ماده نك قبولى ضروريدير . بونكله برابر دولت دائره لرينه تجريراً مراجعتنده بولونان خلقك مشكلات چكهنه سنه محل قلامق اوزره 1929 سنهسى حزراننىك برنجى كونه قدار اسكى حرفلره دولت دائره لرينه مراجعتلىرىك قبولى موافق كورولمشدر . عينى مقصدله 1929 سنهسى ايلك كونندن اعتباراً توركه باصيلاجق كتابلىك تورك حرفلره باصيلماسى مجبوريتى بشنجى ماده ده تصريح اولومشدر .

رسمى و خصوصى ضبطلىرى طوناجق كتابلىك تورك استهنوغر فيسنى اوكره نتيجه يه قدار اسكى حرفلره ضبط طوماللىرى طبيعى اولديغندن بونك ايچين 1930 حزرانه قدار بولوده ضبط طومالسى تجويز ايدلمشدر . كتاب ، قانون ، تعليماتنامه ، دفتر ، جدول ، قيد وسجل كى مطبوعهلر ك يكيدين طبيعى زمانه متوقف اولديغندن بونلر 1930 حزرانه قدار قوللانيلاجقدر .

نفوس قيدلىرى وطاپو قيد وسندلىرى ومحاكم سجيل واعلاملىرى ايله مقالهلر ومعاهدله نامه لرك وهرنوع اسهام وسندلر كى حقوقى قيمتى حاز اولان وثيقه و پارالىك وتذكره ، قانون ونظامنامه لرك دكيشدپرلمدكجه مرعى اولماسى طبيعى بولونديغندن يدنجى ماده بوضورتله يازلمشدر .

بالعموم بانقەرلر ، امتیازلی ، امتیازسز شرکترلر ، جمعیتلر و مؤسسهلرده دولت دائره لرینه موازی اولارق الك کچ 1929 کانون نایسنک ابتداسندن اعتباراً معاملاتی یکی حرفلرله یاباقق ویا لکنز 1929 حزیرانه قدار بورالرده خلق طرفندن اسکی حرفلرله مراجعت جائز اولایله جکدر . بورالرده الده موجود اولان کتاب ، دفتر ، جدول ، نظامنامه و تعلیماتنامه لر 1930 حزیرانک باشنه قدار قوللانیلاجقدر .

اوقوما و یازمانک قولایلقله خلق کتله سنه یایلماسنی ولسانک استقلالنی تأمین ایله یه جک اولان حرف انقلابنک وجوده کتیره جکی مسعود نتیجه یه محقق نظریله باقان حکومت مربوط قانون لایحه سنی تکلیف ایله مکده در .

تورک حرفلرینک قبول و تطبیق حقنده قانون لایحه سی

ماده 1 — شیمدی به قدار تورکجه نی یازمق ایچین قوللانیلان عرب حرفلری رینه لاتین اساسندن آلنان و مربوط جدوله شکللری کوستریلن حرفلر (تورک حرفلری) عنوان و حقوقی ایله قبول ایلمشدر .

ماده 2 — بوقانونک نشری تاریخندن اعتباراً دولتک بوتون دائره و مؤسسهلرنده و بالجمله شرکت ، جمعیت و خصوصی مؤسسهلرده تورک حرفلریله یازیلش اولان یازیلرک قبولی و معامله یه قونولسی مجبوریدر .

ماده 3 — دولت دائره لرینک هر برنده تورک حرفلرینک دولت معاملاته تطبیق تاریخی 1929 کانون نایسنک برنجی کونتی کچه مز . شو قدارکه اوراق تحقیقه و فذلکه لرینک و اعلاملرک و مطبوع معاملات جدول و دفترلرینک 1929 حزیرانی ابتداسنه قدراسکی اصولده یازلمسی جائزدر . وریله جک طاپو قیدلری و سندلری و نفوس و اولمه جزؤدانلری و قیدلری و عسکری هویت و ترخیص جزؤدانلری 1929 حزیرانی ابتداسندن اعتباراً تورک حرفلریله یازیله جقدر .

ماده 4 — خلق طرفندن واقع مراجعتلرندن اسکی عرب حرفلریله یازیلی اولانلرینک قبولی 1929 حزیرانک برنجی کوننه قدر جائزدر . 1928 سنه سی کانون اولنک ابتداسندن اعتباراً تورکجه خصوصی و یارسمى لوحه ، تابه لا ، اعلان ، ره قلام و سینما یازیلری ایله کذلک تورکجه خصوصی ، رسمی بالجمله موقوت ، غیر موقوت غزته ، رساله و مجموعهلرک تورک حرفلریله باصیلماسی و یازیلماسی مجبوریدر .

ماده 5 — 1929 کانون نایسی ابتداسندن اعتباراً

بوسىبلره مېنىدرکه اساساً مى لسانمىزك بېسەندە موافق برحرف سېستەمى قبول ايتىمك جمهوريت حكومتىك پروغرامى اقتضاسىدن بولونويوردى . تورك دىلىك بېسەنە موافق اولمق اوزره لاتىن اساسىدن آلتاجق حرفلىرى تىتىت ايله مك ايچون كچن سەنە معارف وكالتندە تشكيل ايدىلان نىل هيئەتتە اساسلىرى حاضرلانىن حرف سېستەمى ايله ياپىلان تېجربەلردە دىلمىزى اك اىنى برطرزە يازماسى مەكەن اولدىنى آكلاشىلدى .

قىصا برزماندە ملتىمىزك بو حرفلىرى قولايلىقلە اوكرنەلرى بو حرف سېستەمىك لسانمىزك بېسەنە اويغون اولدىغى دە آرىجە ميدانە قويدى .

بىنەئعلە جمهوريت حكومتى آرتىق تېجربە ايله ثابت اولان لاتىن اساسىدن آلتان حرف سېستەمىك قانون حالندە تىتىتى ضرورى كورمىش ومربوط لايىھىنى بومقصدلە تەكلىف ايله مشدر .

تورك حرف سېستەمىك قولايلىقى صوك آيلر ظرفندە ياپىلان تېجربەلردن آكلاشىلدىنى ايچون دولت دائرەلردە ھان بو حرفلرە ياپىلەجق مراحىتىمىزك قبولى و اونك اوزرىنە معاملە ايفاسى قابل اولاجقدر . ذاتاً يىكى حرفلىرى ھان تطىق ايلەرىك لسانك يازىلىشىندە ايكىلىكى بر آن اول قالدىرمق ويىكى تورك حرفلىرىك حصولە كىترەجىكى ائى نەتىجىنى بر آن اول استحصال ايتىمك لازم كىدىكىندن قانونك قبولىدن اعتباراً دولتك باشلە دائرە ومۇسسەلەردە وشركت و جمعيت وخصوصى مۇسسەلەردە تورك حرفلىرىك قبول اولوناجىنى و اك كچ 1929 كانون نائىسندە يىكى تورك حرفلىرىك دولت معاملاتنە تطىق اولوناجىنى ايكىنجى و اوچىنجى مادەلردە تصرىح ايدىمشدر . آلتىق مطبوع جزۇدان واوراق و سائرەك يىكىسى طبع اولونەيلىمىسى ايچىن 1929 حىزىرانە قادار اسكى اصولە يازلماسى ادامە ايدىمشدر .

يىكى حرفلرە خلق آرەسندە تەعمىم ايتىمىسى ايچىن برنجى شرط خلقك اك چوق او قومق ضرورتندە بولدىنى اثرلرە يىكى حرفلرە نشر ايدىمش اولمىسدر .

خلق ، يىكى نشرىياتى اسكى حرفلرە تەقىب امكانە مالك اولدقچە يىكى حرفلرە بر آن اول ايلششمقصدە مسامحە كوسترەيلىر . بونك ايچون 1928 كانون اولندن اعتباراً لوحە ، تابەلا ، اعلان ، رەقلام وسىنەما يازىلرى ، موقوت ، غير موقوت بوتون توركچە غزتە ، رسالە و مجموعەلرەك تورك حرفلىرىلە باصىلماسى و يازىلماسىك مجبورى اولدىنى دردنجى ماددە كوستراشدر . يىكى حرفلرەك خلق كىتلەسى آرەسندە چابوق يايىلماسىنى قولايلاشدىرمق ايچىن بو مادەك قبولى ضرورىدر . بونكە برابردە دولت دائرەلرىنە تىجربە مراحىتىدە بولونان خلقك مشكلات چكەسەنە محل قالماق اوزره 1929 سەسى حىزىرانىك برنجى كونسە قادار اسكى حرفلرە دولت دائرەلرىنە مراحىتىمىزك قبولى موافق كورولمشدر . عىنى مقصدلە 1929 سەسى ايلك كونسىدن اعتباراً توركچە باصىلاجق كىتابلرەك تورك حرفلىرىلە باصىلماسى مجبورىتى بىشىنجى ماددە تصرىح اولونمشدر .

رسمى وخصوصى ضبطلرى طوتاجق كىتابلرەك تورك استەنوغرافىسى اوكرە نەتىجە قادار اسكى حرفلرە ضبط طوتما لرى طىبىي اولدىغىدن بونك ايچىن 1930 حىزىرانە قادار بولمە ضبط طوتولماسى تىجوز ايدىمشدر .

كىتاب ، قانون ، تەلىماتنامە ، دفتر ، جدول ، قىد و سىجل كىي مطبوعەلرەك يىكىدن طىبىي زمانە متوقف اولدىغىدن بونلر 1930 حىزىرانە قادار قوللانمايلاقدر .

نفوس قىدلرى و طاپو قىد وسىدلرى و محاكم سىجل و اعلاملرى ايله مقاولەر و معاھدە نامەلرەك وھرنوع اسھام وسىدلر كىي حقوقى قىمىتى حائز اولان و شىقە و پاراللرەك و تىز كره ، قانون و نظامنامەلرەك دكىشىدىرلمدكچە مرعى اولماسى طىبىي بولوندىغىدن پىنجى مادە بو صورتە يازلمىشدر .

بالعموم بانقهر ، امتیازلی ، امتیازسز شرکتر ، جمعیتلر ومؤسسهلرده دولت دائره لرینه موازی اولارق الك کچ 1929 کانون ناپسنگ ایتداسندن اعتباراً معاملاتنی یکی حرفلرله یاپاجق ویالکنز 1929 حزیرانه قادار بورالرده خلق طرفندن اسکی حرفلرله مراجعت جائز اولاییله جکدر . بورالرده الده موجود اولان کتاب ، دفتر ، جدول ، نظامنامه وتعلیماتنامه لر 1930 حزیرانک باشنه قادار قولانیلا جقدر .

اوقوما ویازمانک قولاییقله خاق کتله سنه یاییلماسنی ولسانک استقلالنی تأمین ایله یه جک اولان حرف انقلابنک وجوده کتیره جکی مسعود نتیجه یه محقق نظریله باقان حکومت مربوط قانون لایحه سنی تکلیف ایله مکده در .

تورک حرفلرینک قبول وتطبیق حقنده قانون لایحه سی

ماده 1 — شیمدی به قادار تورکجه بی یازمق ایچین قولانیلان عرب حرفلری یرینه لاتین اساسندن آلنان ومربوط جدوله شکللری کوستریلن حرفلر (تورک حرفلری) عنوان وحقوقی ایله قبول ایدلشدر .

ماده 2 — بوقانونک نشری تاریخندن اعتباراً دولتک بوتون دائره ومؤسسهلرنده و بالجمله شرکت ، جمعیت وخصوصی مؤسسهلرده تورک حرفلریله یازیلش اولان یازیلرک قبولی ومعامله یه قونولسی مجبوریدر .

ماده 3 — دولت دائره لرینک هر برنده تورک حرفلرینک دولت معاملاتنه تطبیق تاریخنی 1929 کانون ناپسنگ برنجی کونتی کچه مز . شو قادارکه اوراق تحقیقه وفذلسکلرینک و اعلاملرک ومطبوع معاملات جدول ودفترلرینک 1929 حزیرانی ایتداسنه قدراسکی اصولده یازیلسی جائزدر . یریه جک طاپو قیدلری وسندلری ونفوس واولنجه جزؤدانلری وقیدلری وعسکری هویت وترخیص جزؤدانلری 1929 حزیرانی ایتداسندن اعتباراً تورک حرفلریله یازیله جقدر .

ماده 4 — خلق طرفندن واقع مراجعتلردن اسکی عرب حرفلریله یازیلی اولانلرینک قبولی 1929 حزیرانک برنجی کونسه قدر جائزدر . 1928 سنه سی کانون اولنک ایتداسندن اعتباراً تورکجه خصوصی ویارسمی لوحه ، تابهلا ، اعلان ، ره قلام وسینه ما یازیلری ایله کنذک تورکجه خصوصی ، رسمی بالجمله موقوت ، غیرموقوت غزته ، رساله ومجموعه لرک تورک حرفلریله باصیلماسی ویازیلماسی مجبوریدر .

ماده 5 — 1929 کانون ناپسی ایتداسندن اعتباراً

تورگجه باصیلاجق کتسابنرک تورک حرفلریله باصیلماسی
مجبوریدر .

ماده 6 — رسمی و خصوصی بوتون ضبطلرده
1930 حزیرانی ابتداسنه قانداق اسکی عرب حرفلری
سته نوغرافی مقامنده استعمالی جائدر . دولتک بوتون
دائرة و مؤسسسه لرنده قوللانیلان کتاب ، قانون ، تعلیماتنامه
دفتر ، جدول قید و سجل کبی مطبوعه لرک 1930 حزیرانی
ابتداسنه قدر قوللانیلمسی جائدر .

ماده 7 — پاره و حصه سندلری و بونولر و تحویلات
و پول و سائر قیمتی اوراق ایله حقوقی ماهیتی جائز باجمله
اسکی وثیقه لر دیکشدر یلمدکلری مدتیجه معتبردرلر .

ماده 8 — بالعموم بانقهلر ، امتیازلی و امتیازسز
شرکتلر ، جمعیتلر و مؤسسسه لرک تورگجه معاملاتنه تورک
حرفلرینک تطبیقی 1929 کانون نایسنک برنجی کونجی
کجه مز . شو قانداق خلق طرفندن مذکور مؤسسسه لره
1929 حزیرانی ابتداسنه قانداق اسکی عرب حرفلریله
مراجعت واقع اولدینی تقدیرده قبول اولونور . بو مؤسسسه لرک
الرنده موجود اسکی عرب حرفلریله باصیلماش دفتر ،
جدول قانالوغ ، نظامنامه و تعلیماتنامه کبی مطبوعه لرک
1930 حزیرانی ابتداسنه قدر قوللانیلماسی جائدر .

ماده 9 — بوتون مکتبلرک تورگجه پاییلان تدریساتنده
تورک حرفلری قوللانیلیر . اسکی حرفلره مطبوع
کتابلره تدریسات اجراسی ممنوعدر .

ماده 10 — بو قانون نشری تاریخندن معتبردر .
ماده 11 — بو قانونک احکامنی اجرایه اجرا
وکیللری هیئتئ مأموردر .

مدافعہ ملیہ و کیلی	عدلیہ و کیلی	باش و کیلی
مصطفیٰ عبدالحق	محمود اسعد	عصمت
مالیہ و کیلی	خارجیہ و کیلی	داخلیہ و کیلی
سراج اوغلی شکر	دوقتور توفیق رشدی	شکر قایا
اقتصاد و کیلی	نافعہ و کیلی	معارف و کیلی
مصطفیٰ رحمی	رجب	مصطفیٰ نجاتی
صحیہ و معاونت اجتماعیہ و کیلی		
	دوقتور رفیق	